


Erindi til bæjarstjóra vegna Nýsköpunarvikunnar 2021.

Nýsköpunarvikan leggur fram styrkbeiðni um 1.000.000 árlegt framlag til næstu þriggja ára. Ætlunin er að standa straum af uppbyggingu hátíðarinnar til frambúðar á höfuðborgarsvæðinu.

Nýsköpunarvikan er hátíð þar sem fyrirtækjum og frumkvöðlum gefst kostur á að standa fyrir nýsköpunartengdum viðburðum, fyrirlestrum og uppákomum með margskonar snertiflötum. Markmiðið er að auka aðgengi og sýnileika nýsköpunar á Íslandi þvert á atvinnugreinir, gefa fyrirtækjum og sprotum tækifæri á að kynna eigin nýsköpun og deila þekkingu úr nýsköpunarsamfélaginu með almenningi. Þannig sköpum við vettvang fyrir erlenda aðila sem vilja kynnast nýsköpun á Íslandi, tengjast sprotum, fjárfestum og frumkvöðlum og mynda ný viðskiptasambönd og tengsl.

Nýsköpunarvikan er hátíð sem ætti að spretta upp um allt höfuðborgarsvæðið, en er ekki einskorðuð við eitt húsnaði eða ráðstefnusal. Hér er gott að nefna dæmi um hátíðir eins og HönnunarMars, Vetrarhátíð og Iceland Airwaves sem allar hafa sett mikinn svip á höfuðborgarsvæðið og skapað ákveðna stemningu í gegnum tíðina. Markmiðið er að hátíðin geti ýtt undir atvinnuþróun og atvinnusköpun innan sveitarfélagsins með því að gefa nýsköpunar og rannsóknarstarfsemi í atvinnulífinu meira vægi. Hátíðin gæti verið tilvalið tækifæri fyrir sveitarfélagið að sína þá starfsemi sem þar fer fram á vettvangi sveitarfélagsins í samstarfi við fyrirtæki innan þess. Hýsa viðburði og draga athygli að þeim fyrirtækjum og þeirri starfsemi sem fram fer í sveitarfélaginu



nýsköpunarvikan

Nýsköpunarvikan 2021 verður haldin 26.maí-2.júní

Stefnt er að því að sveitarfélögin á höfuðborgarsvæðinu verði einn af burðarstólpum hátíðarinnar enda er hugmyndin sótt í svipaðar fyrirmyndir erlendis, s.s. Oslo Innovation Week, Stockholm Tech Week og Copenhagen Fintech Week. Allt eru þetta hátíðir sem eru styrktar af samstarfsborgum sínum.


Ýmsir möguleikar felast í þátttöku

- Fyrirtæki og stofnanir innan sveitarfélagsins væru hvött til að halda viðburði í “heimabyggð”
- Salir, menningarhús og aðrir innviðir sveitar-félagsins væru í boði fyrir viðburði
- Innri nýsköpunardagur sveitarfélagsins með fræðslu og námskeiðum.

Fjármögnun

Ætlunin er að fjármagna Nýsköpunarvikuna með styrkjum frá opinberum aðilum auk þess að sækja fjármagn til þeirra fyrirtækja sem taka þátt. Þannig er áætlað að lágmarki komi helmingur kostnaðar frá fyrirtækjum og að hámarki helmingur frá opinberum aðilum. Þannig er t.d. beiðni um einnar milljón króna styrk til þíns sveitarfélags einungis tæplega 3,6 prósent af heildarkostnaði.

Fjárhagsáætlun	
Verkefnastýring	12,000,000
Hönnun og viðhald markaðsefnis	3,500,000
Vefur uppsetning og viðhald	2,000,000
Húsnæði vegna viðburða	3,000,000
Veitingar	2,000,000
Almannatengsl	1,500,000
Auglýsingar	2,500,000
Annar kostnaður	1,500,000
Samtals	28,000,000



nýsköpunarvikan.

Teymi

Að Nýsköpunarvikunni standa stjórnendur, verkefnastjórar og fjárfestar sem hafa mikla reynslu af vinnu innan nýsköpunarsamfélagsins bæði hér á landi og erlendis. Melkorka Sigríður Magnúsdóttir og Edda Konráðsdóttir eru framkvæmdastjórar Nýsköpunarvinnunnar og búa yfir reynslu af verkefnastjórnun, fjármögnun og viðburðastjórnun bæði úr vinnu sinni hjá Icelandic Startups og gegnum sjálfstætt starfandi verkefni innan tæknigeirans og skapandi greina. Freyr Hólm Ketilsson, fyrirtækjafrumkvöðull, fjárfestir og stjórnandi til margra ára er hugmyndasmiðurinn bakvið hátíðina og mun koma til með að stýra Lausnarmótinu sem fram mun fara haust hvert.

